

Agri Production di Daniel Leo cu plannan grandi



Aki por mira Sr. Daniel Leo orgulloso den su cunucu mei mei di su matanan di fruta y verdura. E produccion ta masha positivo y Sr. Daniel Leo tin plannan serio pa enlata y embotella varios di su productionan pa mercado.

ORANJESTAD(AAN)—DIARIO ayera tabata di bi-shita cerca Sr. Daniel Leo, despues di a tende di su produccionnan en grandi di papaya y e interes grandi cu tin pa esaki tanto na Aruba como den exterior.

Manera ta conoci, Sr. Daniel Leo pa varios aña tabata un di e promotornan di agricultura ariba nos isla y despues cu el a retira como diputado, el a bay dedica su mes completamente na agricultura tambe. El a lanta mientrastanto e compania Agri Production di cual e ta director.

Segun por a nota ayera, e tin un bon produccion di lamoenchi, cu ta ser bendi cu hotelnan y supermercadonan y un di su plannan ta pa den futuro establece na Aruba un compania cu lo specialisa su mes den produccionan di lamoenchi. Di Venezuela ya tin un compania interesa den esaki.

Algo cu masha hopi ta ser bendi ta pica di papaya y por a nota ayera tambe cu varios hende a presenta pa compra esaki.

Ademas di lamoenchi, y varios verdura cu e ta produciendo e papaya actualmente ta masha 'in'.

Encuanto papaya Sr. Daniel Leo a splica DIARIO cu locual e ta produci ta ser considera como 'wonder fruit' na Merca. Di papaya ta traha sambal, jam, sapa, moes pappine cu ta ser usa pa remedi pa stoma, tripa y bichi, e ta ser usa pa hasa carni pa esaki bira moli, etc. Segun Sr. Daniel Leo tin mercado pa esaki. E tin diferente sorto di similla di papaya y esakinan ta bini di Brazil, Barbados y tambe di Hawaii. Den cinco luna nan ta saca flor y prepara pa pari. El a muestra cu den un aña di tempo, un palo di papaya ta produci 200 kilo di fruta y su intencion ta pa planta 1000 di e matanan aki na Rooi Manochi, unda e tin su tereno.

Testnan a ser haci tambe cu papaya sambal y cu masha bon resultado y actualmente e ta trahando ariba etiqueta pa embotella e sambal aki. E ta trahando tambe ariba empaquetamento di mermelada di fruta especialmente pa hotelnan y restaurantnan.

Interes cu tin pa lamoenchi ta manera a ser splica ariba, esta cu tin un compania Venezolano cu kier establece un fabrica na Aruba. Tin un fabrica di Venezuela tambe, fabrica Nina cu tin intencion di enlata papaya y e plannan aki ta ser procesa actualmente.

Sr. Daniel Leo ta dedicando su mes tambe na planta snijbonen, comcomber, paprika, melon, tomati, y varios verdura mas. Ariba e tereno cu e tin na Tarabana tin instalacion di tanki grandi ta ser construi pa por carga 80 mil liter di awa. Pos ta ser coba pa logra awa for di tera. Etankinan lo ser yena cu awa di dam y despues di filtra e awa e lo percura pa esaki bay pa e matanan den forma di drip-sistem, locual ta basta avanza caba.



ARIBA PETICION GENERAL

TOPCAR N.V.

TA RIPITI

VINDISHI VOLUNTARIO DI AUTONAN NOBO Y SEGUNDA MANO

Dia : 7 di December 1985
10'or a.m. pa 3'or p.m.

Lugar : **TOPCAR N.V.**

Boerhaavestraat 21

Notario: Mr.J.R.Croes



Terminonan: Cash

As is where is

Reglanan di vindishi di Notario Mr.J.R.Croes

Tin posibilidad pa cierto areglo di credito segun sistema di Financiamiento di:

TOPCAR N.V.

Diabierna dia 6 december di 2'or pa 5'or di atardi tin oportunidad pa mira e diferente autonan.

Si bo ta busca un auto den bon condicion y barata bini e popular Vindishi di

TOPCAR N.V.

Lista di e autonan lo ta obtenible

